




柳田文庫
文庫11
D 198
1



文庫 11

D 198

1

清蔣心餘著

忠雅堂詩鈔

平安書肆 金翹堂 業發兌

忠雅堂詩鈔序

橫雲斜月點翠掃綠者美人之裝飾也烟縹霞
 經織翠繡藻者詩人之裝飾也美人之心必待
 有人見之目迎而送之曰美而艷而始有欣欣
 焉詩人之心必待有人讀之拍案驚賞曰佳哉
 擲地金聲也而始有欣欣焉故美人爲之飽費
 其巧詩人爲之飽研其精各爾以苦辛作生涯
 誰有遯世不見知而無憾者乎吾聞粉坊女兒
 衣裳裝束隨時而交換其新裁巧樣一出則人

忠雅堂

010190555998

人美之艷之取以爲式謂之時世粧唯詩亦如
斯華人各有一時之風調吾邦取以爲式故邦
人詩風之變易大約踏華人之遺轍李杜不起
于吾邦誰別出機杼由是觀之則謂吾邦無真
詩而可也雖然詩固嘲風弄月無益之遊戲張
季鷹所謂不如卽時一杯酒者也何必論真與
僞朽與不朽之爲唯應時則人人美之艷之激
時則人人唾之罵之與其獨清而危立不如同
流而優遊此涉世之一方便也亨保詩人勉促

唐之影響近世嘲之曰僞詩近世詩人僅嘗宋
之糟粕自尊曰真詩以醒眼視之則亦僞宋詩
也旣而僞宋詩亦將腐廢不知後來唱起何等
僞體乎竊觀今時詩輕脆軟媚骨力漸孱所以
今日所可隨喜莫如清詩最易入心脾也蓋時
運之所同不得不然者歟頃日社友平國楨讀
忠雅堂集拔摘作三冊子將刻以傳其詩雖無
豪宕驚人句固有邦人不可及者國楨蚤知時
運之所同然察人心之所隨喜以此集垂示欲

佐織華繡藻之資，不亦婆心乎？如有取之，摹之終至其妙者，人之賞之猶愛時世，糲則國楨之所惠，豈僅僅哉？豈僅僅哉？

春樵居士琴希聲

舊序

作詩如作史也。才學識三者宜兼，而才為尤先。造化無才，不能造萬物。古聖無才，不能制器。尚象詩人無才，不能役典籍，運心靈。才之不可已也如是夫。然而自古清才多，奇才少。晉人稱謝邀清才，宋神宗讀蘇軾文，歎曰：「奇才中，分量又不可以十百計。」蔣君心餘，奇才也。癸酉過真州，見僧舍題壁，心慕之，遂與通書。後來金陵，唱喁講討，相得益甚。去年余游匡廬，過君家，君半體枯矣。聞余至，蹶然起，力疾遮留，手兀兀然，授口吃吃然。托曰：「藏園詩非先生序不可。」藏園者君所居園名也。嗚呼！君

舊序

之初心。豈欲以詩見哉。及今病且老。計無所復。而欲以詩傳。可悲也。然君有所餘于詩之外。故能有立于詩之中。其搖筆措意。橫出銳入。凡境為之一空。如神師怒躡百獸。懾伏如長劍倚天。星辰亂飛。鐵厚一寸射而洞之。華嶽萬仞。驅而行之。目巧之室。自為奧阼。袒而搏戰。前徒倒戈。人且羨且妬。且駭且卻。走且訾。罄無不有也。然而學之者。非折骨即絕臚矣。非壺哨即鼓僂矣。故何也。則才之奇不可襲而取也。雖然君之奇。豈獨詩而已耶。君秀挺壘立。目長寸許。聞忠義事。慷慨欲赴趨人之急。若鷲鳥之發。恩鰥寡耆艾。無所靳。諧咲縱諢。神鋒森然。

其意態奇。初入京師。望之者萬頭胥延。登玉堂。將速飛。忽不可于意。掉頭歸。其行心奇。不數年間。天子屢問及之。仍往供職。卒浮沈不遷。及召見。將以御史用。而君病甚。不得已歸。遇合尤奇。嗟乎君之數奇。豈其才之奇有以累之耶。知君者幸。君不病竟不歸。隆隆而外。安知不躡青雲為麟鳳之翔耶。今其官棄。其身全。殘于形。不殘于神。其名園以藏也。取善刀而藏之之意。宜也不知刀可藏。詩不可藏。周官之書。藏山岩屋壁矣。白傳之詩。藏香山東林兩寺矣。千百年来。誦讀徧天下。藏耶不藏耶。同時趙雲松觀察服君最深。適以詩來索序。余老矣。思

附兩賢以傳遂兩序之而兩質之錢塘表枚撰

Blank columns for text on the right page.



五古

忠雅堂詩鈔卷之上

清 鉛山 蔣士銓心餘著

近江 琴希聲廷調 檢閱

日本 平安 平井翰國楨 鈔錄

五言古詩

出門六首

三十官京師迎母東華住四十歸田園別母臨安去十年不離膝一朝行李具隕涕看烏雞啞啞繞庭樹老懷重骨肉貧家輕別離飢來攜子出低頭拙言詞我腸轉車輪母淚落綆縈牽衣不成語但道勿我思垂老

上卷

別兒孫感傷唯自知我生無弟兄親戚況天涯馨膳托
家人痛矣南陵詩

長孫十五齡始去祖母懷平生鞠育心至此益無涯嬌
憨性不馴特愛每多乖再拜萌本念號泣聲哀哀衣履
悉手製老淚痕難揩丁寧慎食眠力學期克諧勿令受
笞撻致我遙心摧

昔別但思子今別兼思孫服我初服衣舊淚連新痕祿
仕養且薄家食寧足存古人重恒產至性皆可敦俯仰
有慙色勲業誰能論一身苦支離難答君親恩

病婦偃空牀夫行不能顧豈無子女情門外多歧路藥

煙啟羅幃復牽知屢衣始知母子別慘于夫婦離兩季
學母泣戀兄亦依依送爺出門去問爺何日歸

歸期若許長去路日已遠語婦惜憂勞勸母加餐飯風
來畫堂深日下離亭晚抑情只自傷卻顧敢頻交出郭
愁思紛登舟客心短夕夢共兒還孤蓬雨聲斷

送揭廷裁還里

窗中秋嵐鮮簾底綠波淨賓屨上堂階戶外鶻聲定君
從秦淮舟益發山陰興載酒游江湖跌宕亦其性力學
無所遇屢空豈吾病世人樂富貴不復安義命君獨恣
遊戲掉舌母乃橫造物無偏欵賞罰欲其稱可憐庸人

愚求福味，揆柄燃燭，共君飲有，吓輒能應。胸中所蓄，儲
娓娓皆入聽。既見師承，佳况復趨尚，正涉世學和易中。
有不撓勁，我本磊落人，與物亦何競。樓居觀萬象，自許
目如鏡。潦倒文字間，勸懲比為政。諸生多秀慧，我以撲
直勝。他年立朝廟，孰應得人慶。危亭矗天半，薄醉每同
凭。禹穴落几席，搏弄不可贈。君歸探賊湖，桑梓實我敬。
寄言同心友，漂泊莫知竟。新銜老學究，憂虞益加併。安
得偕君還，一聞山寺磬。

西山庵訪程菴湖

青嶼接西郊，縈紆繚田盤。寺門闕深翠，修篁萬千竿。詰

曲陟古磴，幽禽時一喧。中有習靜者，讀書掩禪關。抱經
二三子，講學松筠間。菴湖俊彥士，文彩比龍鸞。廿載困
一經，樂不改，朱顏涵養經綸才。巖谷有餘歡，坐我最高
峯。俯瞰羅城闌，開豁萬古眼。惆悵亦難言，樂哉愛斯邱。
荷鋤吾何患。

閑居

五十事閑散，早已投簪裾。築屋三十間，所處已有餘。繞
身置圖書，守器失耰鋤。花木榮四時，綠荷被新渠。高柳
聚時禽，天籟韶濩如。較彼卿與相，腰笏勤走趨。豈若芬
馥中，獨酌陳一壺。賓來亦不迎，淡談忘朝晡。待盡庶樂

樂形影聊相於

述懷

憶昔誦書史，恥與經生侔。苦懷經濟心，學問潛操修。廿九通仕籍，四載登瀛洲。索米金馬門，忍飢求豆區。覩然人子心，慷慨歸來休。教授十五年，二毛鬚鬢秋。樂道頗相安，序列賈董儔。側聞天子語，許以名士優。

乞方竹樓畫雜花屏風

崇情寡嗜好，適性樂疎散。十年謝簪笏，百年不挂眼。讀書學古賢，常苦來日短。幽憂未能屏，每借花木遣。所至多種植，芳豔任舒卷。默觀天地心，生意驗深淺。暢達由

橫斜繁密戒，刪翦根株聽。羅列香色罷，除選長養隨。自然壽命各無算，我無區別心。是皆幽獨伴，揚州衆香國。四序花不斷，扁舟泛汀嶼。步履入池館，駸駸樂未央。僕勞不免我，居如面牆屋。高庭宇褊，雖然略栽藝。恒覺顛難滿，思究魚中鈎。慮竭蠶脫繭，欣然製屏幃。十二素緋展，求君畫雜花。隨意發天產，或凝霜氣鮮。或泥露光泫，含秋態清揚。弄春姿婉婉，君筆歲化機。神妙能者鮮，豈惟品絕俗。興趣特高簡，坐我幽叢間。感君惠誠腆，未煩寫蕢蓄。恐為邊幅限，當擘一丈箋。枝葉庶能遠，得隴敢望蜀。此約他日踐，已儲酒百升。待君作花宴，惠風幾

七古

時來一花酬一錢

七言古

楊子載湖亭送客圖

兩人執手意相語，篙師持篙促人去。水風吹面酒力薄，
落葉打衣禿襟舞。小樓拓檻誰獨憑，黯澹湖波上秋樹。
客中看畫欲愁絕，展卷爭題奈何許。我不知君送何客，
憶我年年別君處。前春與汝載官舫，醉吟諧謔不肯讓。
秋帆別汝東湖東，且復斯須發高唱。想君愁緒從此多，
湖亭日日歌離歌。五窮厄君太潦倒，一蹴蹶我聊蹉跎。
君有老母別不得，躑躅芳州甘送客。小人有母不得將

今年買宅居南昌，我欲荒園結虛牖。聚我生平十州友，
萬卷之書百斛酒。故人持觴壽我母，來共拍浮去共走。
終身不唱折楊柳，裂君此圖君許否。

門人石生餉菊為屏戴篋圍同年来觀并貽長句

依韻奉答

誰遣花枝伴枯槁，步障橫陳麗人好。衆芳絕妙鬪嬋娟，
居士蕭疎自嫌老。朱門歌舞蘭麝吹，餐英不入秋堂思。
明來我赴山簡會，酒闌客遞淵明詩。冷香著人愛黃素，
蜂蝶所爭懶迴顧。霜中折枝不受春燈前，取影尤宜暮。
葵心出土即向陽，蟋蟀入戶還上堂。將身感序對屏菊，

上卷

五

低亞亂堆差免俗，期君一日一度來右手。把筆左舉杯，遣秋且復和衷哉。

移榻孫圃寓齋同居匝月書壁志別

僦屋待君兩月餘，春風吹到南來車。孺人繡幃行，次且八口尚滯住。城隅簾櫳著地燕，寢虛招我由房賦。鳩居我時避客謝，毀譽如蟻墮戶。蝸隱廬攜被擔囊巾，卷俱瑟縮共處壺。公壺茶煙不動卧，綺疏隔牖愛聞君讀書。琅然玉琴戛鳴琚，聲音和平心志愉。朝餐夜飲主客娛，三年瑣事談徐徐。徐李生溫潤玉尺，如詠朝時一相廬。胡閉門清晝，筋骸舒依然並肩。山澤癯，誦君文章明月珠。

積又始達其時歟，修身力學福祿胥。底須鐘鼓饗鷄鷄，鳩化為鷹鼠變鴛。理所莫測事有諸，懷哉君子慎厥初。仕官閱歷知菟枯，弟兄同學勉相於。門外輪蹄各奔趨，東風解凍開河渠。扁舟躍躍上冰魚，明朝我去君埽除。孟光眉案來斯須，小鬟炷香博山鑪。鏡臺修潔看妝梳，早眠晏起友朋疎。對沐風雨還能無。

饒霽南前輩春雨課耕小照

少年力未勝犁鋤，有愧識字耕田夫。本無繡壤藝黍稷，但有破硯充菑畬。中年灑落取高第，揮手蓬瀛恣游戲。屢開元圃樹琅玕，還泛仙槎求象珥。更事漸多心自空。

好夢每落鄉山中，昨聞買田報米賤，便欲抱膝歌年豐。
將身畫入南東畝，萬綠中間讀書牖，耦耕何必勸山妻。
叱犢唯須任農叟，主人胸有種植書，能轉磽瘠成膏腴。
况當春和土脈潤，插秧雨過蓑笠俱，眼前樂歲飽飯甯。
日後歸田偕伯仲，雞豚社裡饗齊民，腰鼓聲中唱幽頌。
十年與君姻亞親，同來索米金馬門，兩家子弟各童穉。
豈知稼穡多難辛，一鉢之施期自効，食祿恩深何以報。
敢當盛世侶樵漁，暫與山農說忠孝，吁嗟乎江南老翁。
多持牛豚蹄歲祝，盈車篝歸歟，我是無田者，戲問荒莊。
可有秋

廬山圖

幼吟永叔廬山高，長從夫子廬山遨，廿年夢落山水窟。
忽展尺幅來巖臯，雙龍出映閃寒練，五叟拍肩依絳霄。
就中谿逕指諸掌，一一梵宇開團瓢，畫筆難致意可會。
邱壑隱伏林巒包，山靈半面現于此，東林控脊當其尻。
高僧栖托古驛畔，冠蓋往復頻招邀，栖賢開先不肯住。
此意難解淵明朝，卧游得此挂雪壁，嵐翠滿戶炎蒸銷。
更求繭紙作圖畫，四面分繪窮周遭。

照膽臺觀漢壽亭侯印

玉方二寸碧色古，中空可貫五雜俎，琢來定出昆吾刀。

竊去誰操，白衣艣如水。心甘委越波，拜爵銜羞蝕。吳土
魚龍護持，百恠遁寶氣。摩空出曾罟，深文兩面具。九字
上曰亭侯下，關羽乾隆辛未入宸賞旁刻御書三十五
商彝周鼎不可見，漢壁紛紛難比數。潤澤猶涵君子德，
威名足禦妖邪侮。想見荆襄坐鎮時，軍檄官書日旁午。
紅泥鈐處令如山，符節中間壓龍虎。

沈氏園弔放翁

母不宜妻斯出耳，人倫恨事無過此。孝子長懷琴瑟悲，
離妻不抱薜蘿死。腸斷春游沈氏園，一回登眺一悽然。
綠波難駐驚鴻影，壤壁空留古麝煙。四十年中心骨痛，

白頭苦作鴛鴦夢，故劍猶思鏡裏鸞。新墳已葬釵頭鳳，
暮年清淚向誰收。香炷蒲團縷縷愁，無多亭榭頻更主。
半死梧桐尚感秋，廣漢姜郎寧悔錯。琵琶莫唱風波惡，
紅酥垂手酒猶溫。抑絮過牆情已薄，國恥填胸恨未平。
憂時戀主可憐生，詩人豈似朱翁子。孝子忠臣定有情，

花谿泛宅圖

麴塵乍染宮眉葉，脂暈初迴含咲頰。暖氣都從錦浪生，
柔波恰共春羅疊。數聲漁漿出鷗沙，入饌萋蒿與荻芽。
嬌兒嫩比谿邊鴨，小婢娟如岸上花。釣徒合向煙波老，
不辨吳淞與三泖。誰偷谿鏡照妝梳，自展蓑衣裁襦袴。

五律

江鄉屋小野人居，繞屋荷花萬頃餘。
門底谿流壓篋頰，船中家具雜圖書。
烹魚煮酒搖船去，醉卧蘆汀不知處。
我亦江湖泛宅人，柳絲遮斷桃花路。

五言律詩

曉泊黃溪渡守風二首

市小冬歸客，湖寬暝聚船。
寒雞茅店雨，晚飯柁樓煙。
酒薄難為醉，魚腥不直錢。
何當故鄉路，留滯轉悽然。
沙顏高岸縮，風緊暮寒增。
家事情無限，鄉音學未能。
人沽迎臘酒，犬吠隔籬燈。
不寐推蓬起，低回雁一繩。

湖上晚歸

濕雲鴉背重，野寺出新晴。
敗葉存秋氣，寒鐘過雨聲。
半塘群鳥入，深樹一燈明。
獵獵西風勁，湖心月上生。

歲暮到家

愛子心無盡，歸來喜及辰。
寒衣針綫密，家信墨痕新。
見面憐清瘦，呼兒問苦辛。
低回愧人子，不敢歎風塵。

暮江

船側帆三折，風斜鴈一繩。
艣搖將夜雨，人語隔江燈。
歎逝心原嬾，懷鄉感易增。
金焦兩螺在，明發許重發。

寒夕

人語聚寒夕風威到岸停客衣連水色船火亂疎星一
徑落黃葉兩峯開翠屏年飢商估樂愁向月中聽

嘉興道中

小戶魚游釜荒邨豕渡河踏車兒女瘁散水枯棹多充
食求芟筍無衣仗笠簑卧聞煙水外哀怨入吳歌

天鏡樓銷夏雜詩七首

傑構俯羣象高居無四鄰窓櫺終日啓雲物六時新寺
竹過牆短檐花落硯勻名山容暫住只愧讀書身
疎槐交晚翠老樹立冬青落子香浮砌飄花雪滿庭多
年相倚藉羣木共安寧未覺遮風日吾方曠六經

雉堞抱山斜通城十萬家檐開橋路直響雜市聲譁細
細炊煙裊層層霧樹遮僧樓落闌底鐘磬散林鴉
雞犬白雲邊城隅地自偏掩關塵事遠卷幔翠微連小
住成通隱幽栖亦靜綠談經人散後常是枕書眠
巖虛留宿雨風濕聚林煙水氣遙通市河聲欲上船居
人愁禾價長吏祝豐年江海誰傾瀉蛟龍亦有權
雞離爭蟻穴蟲羽避蛛絲物理如何見微生各有知花
香留客處夜氣中人時每到澄懷後將心一再思
禾黍隨田沒魚蝦入市多積陰真可慮苦雨欲如何隴
畝屯青艸郊原卷白波誰操汎舟役賃粟問監河

題袁楚材舍人卧雪山房圖二首

苦愛山中雪重圍，獨卧身亂峯白似水。古木彊于人，谷鳥持遷樹巖花。欲報春融融，風力轉解凍。及佳辰散帙，憑鳥几飛花點。敬表硯冰鸛眼合，爐暖芋魁留境。比天懷潔，詩隨酒力道。不知煙外艣，誰從剡溪舟。

塘栖道中

百里桑陰密，都無雜樹連。春禽留戴勝，蠶利重吳綿。菱藕朝開市，魚蝦暝聚船。收帆依水宿，還聽說豐年。

逢客

戶牖玲瓏接江船，似曲房岸喧兒廢讀。人默鼠窺糧，未

價朝明市農功晚，條場辛豐吳越共逢客。問吾鄉

盡室

酒渴除風幔，曾縣讓客舟。驟寒鴉從樹，又雨葉知秋。白鷺團煙渚，丹楓轉寺樓。有生皆自得，盡室苦沈浮。

寒溪

路入呂蒙城，寒溪泠泠清。雞豚依水盪，砧杵識柴荆。雅軋輪孤轉，嵯峨嶺對橫。風傳林壑響，隱挾大江鳴。

物情

葉亂驚鴻去，沙崩宿鷺稀。物情多避俗，客意本忘機。嫩菊低渙漿，疎花上酒旗。江邛好門巷，各各晒寒衣。

繞城寺

磻底歲深屋，抹端展翠屏。春山圍寺美，魚市過船腥。種
水人安業，推蓬客誦經。茅簷如許住，一飯借居停。

曉起

露暗蜂蚤趁林曙，鳥先知虛幌。侵侵白朝陽，故故遲井
宣憐僕健，眠少覺吾衰。起視煙橫樹，田家已試秧。

攜眷屬再宿安泉園感憶素邨前輩

柳方高出屋，樹漸老于人。總帳塵猶積，柴門月自新。分
田兒折爨馨，膳母如賓牆。角橫雞岫山，眉故故顰。

雨過

雨過帆腰重，灘迴棹力柔。雲衣隨去鳥，風幔落閒鷗。酒
趁輕航買，魚看細網收。江南揚柳岸，翻欲小淹留。

年豐

河流千里下，迎我讀書聲。課子求先業，浮家屏俗營。年
豐聞戒少，天暖放船輕。岸澗宜新麥，居人競晚耕。

消遣

食素夫妻共書燈，父子同商量。古人事消遣，石尤風用
世心猶熱。謀身慮又空，憐他小兄弟。都解吊英雄。

浦口

山勢插飛堞，江防久息戈。蘆洲晴雪滿，驢背積薪多。健

婦充傭保，豪家計馬羸。居然勤儉俗，犁耙及春和。

湖口縣

江水平分，處湖光繞縣門。磯迴渙艇聚，沙淺釣臺尊。古壁添新翠，春流驗舊痕。巖風弄鐘響，疑有暗鯨吞。

謝蒼厓丈西堂小飲次韵三首

別去紛離緒，歸來倚至情。愁多詩漫興，歡動酒先呈。壁畫塵難掩，檐花架尚擎。深杯對斟酌，細向雨中傾。穿墉勞雀鼠，布策悟天人。衛足輸夔巧，除疴倚艾神。舊巢鳩占半，華屋燕窺頻。不與浮雲競，知翁懶是真。老去仍豪俠，黃金散不歸。碎琴心已淡，說劍興猶飛。蜂

趁殘芳亂，螢爭腐草微。巡檐觀物理，節杖獨依依。

到鉛山有作二首

曉日半城，山人家積翠。閒碓輪晴雪，轉麻地綠陰。閑鳥勸田翁，酒谿明浣女。鬢天涯求樂土，難道勝鄉關。餘糧拙壘，取鄰里說豐年。穀減荒時價，厨添破屋煙。扶犁歌飯豔，釋米計囊錢。敢笑樊遲稼，躬耕少薄田。

三邨看桃花次胡古邨韻三首

錦浪連芳塢，能消酒客憂。偶然登彼岸，聊且泊虛舟。津鼓迴渙，擢江雲轉。笛樓前邨紅雨亂，花滿釣人頭。言尋西竺寺，宛到養花天。地僻堪藏墅，春濃足破禪。梅

林諸佛定詩壁幾人傳十載歸彈指憑軒亦惘然
行厨開竹裏隨意坐苔斑舊雨存詩骨飛英鬪酒顏
翻疑卷郭霧冷欲沈山雅意群公極相憐倦羽還

寂寐

屢空吾真拙長貧計本疎重衾雙敗絮兼味一枯魚
長日蕭蕭過華年寂寂除平生賤温飽此志定何如

默飲

真經江國美酒到潤州醇晚飯連播又晨妝入鏡新
僅痴憂采盡妾揮問家頻默對三山飲瑯琊本恨人

曉發

曉聽定山鐘炊煙萬瓦濃江明朝氣爽雲薄翠微鬆
畚鍤開旁洫釵笄領上農田家重離別乘犢老相從

六合縣旅夜

土壁一燈昏山城早閉門民窮胥役富縣小士人尊
俯首黃茅屋開顏老瓦盆停杯念慈母兩日別兒孫

解纜

水氣得清曉冒霜人出關沙晴團宿雁木落見寒山
客悶何從稅行裝且未還收帆怯歸路危石滿前灣

泊江邨

秋風捲茅屋積雨廢新畬插竹防魚密奔濤激岸虛一

曾終歲計斗穀百錢餘愁絕柴門下泥埋碌碡車

夜起

片月幾時落孤篷許獨開酒杯秋後減蟲語夜深來乞
火鄰舟怨占星客伴猜前汀有孤鴈恠底窸然回

憶秋竹山房

老樹應思我新蛩正感秋書拋鄰侯架月負庾公樓覆
砌花能咲依叢筍自抽兒曹誦經後當與卜歸舟

積翠巖

手寫名山額真同小普陀竒穿仙洞迴險貫石林多茅
火僧俱寂詩攜墨未磨重參觀自在百歲幾經過

舟中雜興六首

麥隴連畦秀沿邨餅餌香聞雞知午至卷幔得風涼省
事渾醒夢因緣學坐忘欲尋江味永喚客鬪旗槍

打鼓迎來筏鳴金避去舟風柔片帆正浪急一篙浮轉
粟馳津吏傳籤走督郵各舫停斷岸三宿苦淹留

喧闐邨落外寂靜夕陽中入饌收魚子充薪積馬通菜
羹分乞丐米價問兒童比戶炊煙接今年歲事豐

社廟香煙絕田家報賽荒易錢猶有布食指幸無蝗岸
澗期栖畝倉虛鮮宿帳晝長遲午飯一粥且充腸

舊書繙又徧往事憶俱空歲月翻忘老平生托諱窮浮

家常作客看鏡已成翁歸去詞麤就澗明乞食同
尚餘窮乏者借潤到簞瓢自浙矛頭米因分釜底焦朝
飢韭花帖宿飽老僧寮辟穀寧無術仙人尚可邊

漫興六首

糴米人歸市持錢客趁墟筠籠剖文蛤絲網出刀魚社
散鴉銜肉秧齊叟荷鋤柴門老妻待繩戶上鐙初
識字疑難過譚元奧義申僕新猜語誤婢黠剪鐙頻不
寐前愆省方人古誼循倫常多苦趣所在看參辰
萬事俱拋擲筭疏食憲章真殿隨意買蔬筍過時嘗冷
淡逢邨市郵籤報水鄉濯纓珠未便吾欲問滄浪

省識佳山水圖之當卧游菊花時命酒楓葉最宜秋新
膾從入斫深梧對影酬醉中天空濶老矣復何求
豆棚堪雜坐濁酒對花斟樵牧來從便雞豚會可尋邨
閑知事簡俗厚畏人深野菜堪生食無煩漑釜鬻
糧艘銜尾至邪許接聲呼挂席煩津吏攤錢戲開夫醫
蠻僧賣藥酒薄女當壚門徑誰家僻屠沽取醉無

九月十四夕夢中作

屋偏歲老樹衣濕散歸雲水氣乘間出山身向晚分年
豐農事足客到犬聲聞便借茅堂宿無因識隱君

雪霽曉行

上卷

凍雲留曉日，孤寺不曾開。
雪屋寒光定，山風虎力迴。
谷深群響合，竚健一僧來。
爭似茅簷底，呼兒索酒杯。

守風話田舍

顛風纔斷渡，江勢欲沈山。
邛小逢人瘦，林疎坐鳥閑。
瓜壺留客飯，耕鑿念時艱。
旅食吾差樂，刀頭莫看環。

失路入小園解鞍小憩而去二首

小圃煙霞悶，柴門竹樹交。
掠空鶯試羽，選樹燕分巢。
叟灌園中菜，童編屋上茅。
行藏判同異，未許賦于郊。
雲氣為朝暮，山容互淺深。
花繁移宿蝶，果熟墮春禽。
暫駐征人馬，難求隱者心。
黃塵飛十丈，門外角聲沈。

午後自山寺投田家宿

斜陽沒西嶺，漫興別青鴛。
曠色度寒木，秋煙生古原。
野人乘犢去，雲碓隔溪喧。
信宿尋茅屋，桑麻許共言。

病後

病後身如寄，秋來夜漸長。
閒階轉涼月，疎雨滴寒光。
燈暗釵蟲細，爐溫棗火香。
殘魂怯新夢，將暝益旁皇。

知廉作舟中咏物詩戲和七首

用與香槽別，居同月鼓隣。
因文疆界定，截句短長均。
偶並音聲水，肩齊伯仲身。
周郎莫迴顧，仙手拍來真。
檀板靠處同腰笏，憑來等臂支。
周旋得圓理，圭角與方宜。
暫

許勞筋息寧煩警枕欵先生號南郭玄米便何為隱囊
咲我彈冠懶煩他結鞅該寧容許行織不自益嘗來襲
異升階納輕宜舉趾迴浮雲方脫屣橐橐漫勞精跋鞋
短几支琴枕安絃靜欲流平鋪七條水橫拂一江秋請
席高平適停尊小宴留真宜隨杖履何藉槁梧休琴几
人稱五經笥家有一青箱久與孤檠伴聊分二酉藏蟬
魚難聚處螢火每充囊啓鑰芸編見霏霏綠字香書鹿
白氎裁三尺青蓬掩一層垂垂遮午夢帖帖蔽船燈入
幕播烏隔寒帷海燕能五更寒透骨添挂鶴文綾風慢
淚滴金盃滿珠留裏口殘收未餘可拾著處面能乾但

五排

許愁時擊難為病後看傳聞多感激聊貯涕洟瀾

五言排律

自鳴鐘

西法巧窺測尺寸具宇宙氣貫十二時度紀廿八宿衡
平應璣轉象列比孟覆餘分積銖黍歲月按剝復非禪
一龕閉若鑑半匳扣外規現輪廓內軸運機紐剝腹針
暗度懸簾選潛遶鏗鏗錚錚聲暮暮朝朝候移樞蟻緣
磨掉舌杵歲日動靜互為根盈虛隱相逗音如滴壑泉
製擬穿花漏周隨瑄葭颺憂與檐鐵鬪健行景豈駐遲

挽戈莫救，晦望黑白判。經緯朔南就，軍塞視食息。風霾
驗昏晝，聞堪發深省。法殆出天授，太極同渾涵。上帝託
聲臭，不復煩擊撞。自然合徐驟，志補律曆遺。官許羲和
副，卜夜警沈湫。願置歌舞，右

兒輩游西山移雙松來植院中戲成二十四韻

瞥眼三男子，隨肩兩丈夫。尊同後車載，名與柏人俱。已
抱千尋勢，絕森九尺軀。鬚髻頭並亂，屈曲臂相扶。在野
龍交蟄，過庭鯉共趨。江雲蔽葉在山翠，拂枝無九地根
初入三霄氣，已蘇由來多。偃蹇只是太清癯，謾謾方含
籟。鬚鬢故有須，吟風聲尚細。卧月影全鋪，鱗鬣休騰壁。

之而且向隅，蕉虛寧觸礙。廓淺足枝梧，我是支離叟。歸
眠爽塏，區秦封官拓。落丁夢事餒，黏撫爾情真。得偕予
道不孤，七針分利鈍。五粒自芳腴，叱石身原壽。凝脂用
亦殊，栢琴供服餌。蘿葛任榮枯，離立郊依島。聯裾亮友
瑜，斧斤天所赦。樓閣古為徒，便有巖阿想。堪為伯仲呼，
畢宏如可作。煩寫後彫圖。

平定州志序

平定州志序
平定州志序
平定州志序

平定州志序
平定州志序
平定州志序

平定州志序
平定州志序
平定州志序

平定州志序
平定州志序
平定州志序

平定州志序
平定州志序
平定州志序

